

四庫全書

子部

欽定四庫全書

子部

太玄經卷二首至

詳校官中書_臣呂光復

靈臺郎_目倪廷梅覆勘

總校官進士_臣朱鈴

校對官主事_臣陳文樞

謄錄監生_臣安奎文

欽定四庫全書

子部七

太元經

術數類一 數學之屬

提要

臣等謹案太元經十卷漢揚雄撰晉范望注
漢書藝文志稱揚雄所序三十八篇太元十
九其本傳則稱太元三方九州二十七部八
十一家二百四十三表七百二十九贊分為
三卷曰一二三與太初歷相應又稱有首衝

錯測攤瑩數文挽圖告十一篇皆以解剥元
體離散其文章句尚不存焉與藝文志十九
篇之說已相違異桓譚新論則稱太元經三
篇傳十二篇合之乃十五篇較本傳又多一
篇案阮孝緒稱太元經九卷雄自作章句隋
志亦載雄太元經九卷疑漢志所云十九篇
乃合其章句言之今章句已佚故篇數有異
至桓譚新論則世無傳本惟諸書遞相援引

或說十一為十二耳以今本校之其篇名篇數一一與本傳皆合固未嘗有脫佚也注其書者自漢以來惟宋衷陸績最著至晉范望乃因二家之注勒為一編雄書本擬易而作以家準卦以首準彖以贊準爻以測準象以文準文言以攤瑩捫圖告準繫辭以數準說卦以衝準序卦以錯準雜卦全仿周易古本經傳各自為篇望作注時析元首一篇分冠

八十一家之前析元測一篇分繫七百二十九贊之下始變其舊至今仍之其書唐藝文志作十二卷文獻通考則作十卷均名曰太元經注此本十卷與通考合而卷端標題則稱晉范望字叔明解贊考元測第一條下有附注曰此是宋陸二家所注即非范望注也蓋范望採此注意自解經贊儒有近習罔知本末妄將此注升於測曰之上以雜范注混

亂義訓今依范望正本移於測曰之下免誤
學者已下七百二十九測注並同云云考望
自序亦稱因陸君為本錄宋所長捐其所短
并首一卷本經之上散測一卷注文之中訓
理其義以測為據然則望所自注特其贊辭
其他文則酌取二家之舊故獨以解贊為文
今槩稱望注要其終而目之耳卷端列陸績
述元一篇據陳振孫書錄解題為范本所舊

有又列王涯說元五篇又列釋文一卷則不知何人附入其太元圖旁范望序末及元首元測之首尾凡附記九條卷末又有一跋均不署名氏考序後附記稱近時林瑀瑀與賈昌朝同時則此九條當出北宋人手又王涯說元之末附題一行云右迪功郎充兩浙東路提舉茶鹽司幹辦公事張實校勘則附記或出於實歟其釋文一卷亦不著名氏考鄭

樵通志太元經釋文一卷亦林瑀撰疑實刊
是書時併以涯之說瑀之釋文冠于編首也
乾隆四十六年十月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

提要

欽定四庫全書

太玄經卷首

陸績述玄一篇

績昔嘗見同郡鄒邠字伯岐與邑人書嘆揚子雲所述
太玄連推求玄本不能得也鎮南將軍劉景升遣梁國
成奇修好鄒州奇將玄經自隨時雖幅寫一通年尚暗
稚甫學書毛詩王誼人事未能深索玄道真故不為也
後數年專精讀之半歲間初覺其意於是草創注解未

能也章陵宋仲子為作解詁後奇復銜命尋盟仲子以
所解付奇與安遠將軍彭城張子布績得覽焉仲子之
思慮誠為深篤然玄道廣遠淹廢歷載師讀斷絕難可
一備故往往有違本錯誤績志意豈能弘裕顧聖人有
所不知匹夫誤有所達竊緣先王詢于芻蕘之誼故遂
卒有所述就以仲子解為本其合於道者因仍其說其
失者因釋而正之所以不復為一解欲令學者瞻覽彼
此論其曲直故合聯之爾夫玄之大義揅著之謂而仲

子失其旨歸休咎之占靡所取定雖得文間義說大體乖矣書曰若網在綱有條而弗紊今綱不正欲弗紊不可得已績不敢苟好著作以虛譽也庶合道真使玄不為後世所尤而已昔揚子雲述玄經而劉歆觀之謂曰雄空自苦今學經者有祿利然尚不能明易又如玄何吾恐後人用覆醬瓿雄笑而不應雄卒大司空王邑納言嚴尤聞雄死謂桓譚曰子常稱揚雄書豈能傳於後世乎譚曰必傳顧君與譚不及見也班固贊序雄事曰

凡人貴遠賤近親見揚雄祿位容貌不能動人故輕其書揚子雲之言文誼至深論不詭於聖人若使遭遇時君更閱賢智為所稱善則必度越諸子矣自雄之沒至今四十餘年其法言大行而玄終未顯又張平子與崔子玉書曰乃者以朝賀明日披讀太玄經知子雲特極陰陽之數也以其滿汎故時人不務此非特傳記之屬心實與五經擬漢家得二百歲卒乎所以作興者之數其道必顯一代常然之符也玄四百歲其興乎竭已

精思以揆其義更使人難論陰陽之事足下累世窮道
極微子孫必命世不絕且幅寫一通藏之以待能者續
論數君所云知揚子雲太玄無疆也歆云經將覆沒猶
法言而今顯揚歆之慮尋於是為漏固曰法言大行而
玄終未顯固雖云終不必其廢有愈於歆譚云必傳顧
譚與君不見也而玄果傳譚所思過固遠矣平子云漢
之四百其興乎漢元至今四百年矣其道大顯處期甚
効厥迹速其最復優乎且以歆歷譜之隱奧班固漢書

之淵弘桓譚新論之深遠尚不能鏡照玄經廢興之數
況夫王邑嚴尤之倫乎覽平子書令子玉深藏以待能
者子玉為世大儒平子嫌不能理但令深藏益明玄經
之為乎驗雖平子焯亮其道處其熾興之期人之材意
相倍如此雄難曰師曠之調鐘俟知音之在後孔子作
春秋冀君子之前睹信乎斯言於是乎驗雄受氣純和
韜真含道通敏獻達鉤深致遠建立玄經與聖人同趣
雖周公繇大易孔子修春秋不能是過論其所述終年

不能盡其美也考之古今宜曰聖人昔孔子在衰周之時不見深識或遭困苦謂之佞人列國智士稱之達者不曰聖人唯弟子中言其聖耳逮至孟軻孫卿之徒及漢世賢人君子咸並服德歸美謂之聖人用春秋以為王法故遂隆崇莫有非毀楊子雲亦生衰亂之世雖不見用智者識焉桓譚之絕倫稱曰聖人其事與孔子相似又述玄經平子處其將興之期果如其言若玄道不應天合神平子無以知其行數若平子瞽言期應不宜

効驗如合符契也作而應天非聖如何昔詩稱母氏聖
善多方曰惟聖罔念作狂惟狂克念作聖洪範曰睿作
聖孟軻謂柳下惠作聖人猶是言之人之受性聰明純
淑無所繫輒順天道履仁誼因可謂之聖人何常之有
乎世不達聖賢之數謂聖人如鬼神而非人類豈不遠
哉凡人賤近而貴遠聞績所云其笑必矣冀值識者有
以察焉

王涯說玄五篇

明宗一

玄之大旨可知矣其微顯闡幽觀象察法探吉凶之朕
見天地之心同夫易也是故八十一首擬乎卦者也九
贊之位類夫爻者也易以八八為數其卦六十有四玄
以九九為數故其首八十有一易之占也以變而玄之
筮也以逢是故數有陰陽而時有晝夜首有經緯而占
有旦夕參而得之謂之逢考乎其辭驗乎其數則玄之
情得矣或曰玄之辭也有九玄之位也有四何謂也曰

觀乎四位以辯其性也推以柔剛贊之辭也別以否臧
是故四位成列性在其中矣九虛旁通情在其中矣譬
諸天道寒暑運焉晦明遷焉合而連之者易也分而著
之者玄也四位之次曰方曰州曰部曰家最上為方順
而數之至於家家一一而轉而有八十一家部三三而
轉故有二十七部州九九而轉故有九州一方二十七
首而轉故有三方三方之變歸乎一者也一謂一玄也是故
以一生三以三生九以九生二十七以二十七生八十

一三相生玄之數也三長

直亮切

者七八九得一二三

標法

備

一為天二為地三為人其數周而復始於八十一首

故為二百四十三表也一首九贊故有七百二十九贊

其外躋贏二贊以備一儀之月數立天之道有始中終

因而三之故有始始始中始終及中始中中中終及終

始終中終終立地之道有下中上立人之道有思福禍

三三相乘猶終始也以立九贊之位以窮天地之數以

配三流之元故玄之首也始於中中之始也在乎一一

之所配有天元甲子朔旦冬至推一晝一夜終而復始
每二贊一日凡七百二十九贊而周為三百六十五日
節候鍾律牛躔斗指於五行所配咸列著焉以應休咎
之占說陰陽之數故不觀於玄者不可以知天不窮渾
天之統不可以知人事之紀故善言玄者之於天人變
化之際其昭昭焉故俵俵而行者不避川谷賸賸而聽
者不聞雷霆其所不至於顛殞者幸也非正命也

立例二

夫玄深矣廣矣遠矣大矣而師讀不傳者何耶義不明而例不立故也夫言有類而事有宗有宗故可得而舉也有類故可得而推也故不得於文必求於數不得於數必求於象不得於象必求於心夫然故神理不遺而賢哲之情可見矣自揚子雲研機櫟數創制玄經唯鉅鹿侯芭子常親承雄學然其精微獨得章句不傳而當世俗儒拘守所聞迷忽道真莫知其說遂令斯文幽而不光鬱而不宣微言不顯師法殆絕道之難行也若是

上下千餘載其間達者不過數人若汝南桓譚君山南陽張衡平子皆名世獨立校乎羣倫探其精必謂其不廢厥後章陵宋衷始作解詁吳郡陸績釋而正之於是後代學徒得聞知其旨而玄體散剝難究其詳余因暇時竊所窺覽常廢書而歎曰將使玄經之必行世也在於明其道使不昧夷其途使不難編之貫之矚若日月則揚雄之學其有不興者乎始於貞元丙子終於元和己丑而發揮注釋其說備矣夫極元微盡玄之道在於

首贊之義推類取象彰表吉凶是故其言隱其方遠案
之有不測之深抽之有無窮之緒引之有極高之旨至
於瑩攤錯衝文數圖告此皆互舉以釋經者也則夫首
贊之義根本所繫枝葉華藻散為諸玄而先儒所釋詳
其末略其本後學觀覽不知其言殫精竭智無自而入
故探玄進學之多或中道而廢誣往哲以自為切問學
淺道缺而賢人志士之業不嗣也故因宋陸所略推而
行之其所詳者則從而不議也所釋止於首贊又并玄

測而列之庶其象類曉然易知則玄學不勞而自悟矣
玄之贊辭推本五行辯明氣類考陰陽之數定晝夜之
占是故觀其施辭而吉凶善否之理見矣苟非其事文
不虛行觀其舊注既以闕而述雖時言其義又本其所
以然蓋易家人例有得位失位有無位之說以辯吉凶
之由是故玄本數一晝一夜剛柔相推晝辭多休夜辭
多咎奇數為陽耦數為陰首有陰陽贊有奇耦同則吉
戾則凶自一至九五行之數首之與贊所遇不同相生

為休相克為咎此其大較也至於類變因時制誼至道
無體至神無方亦不可以一理推之然則審乎其時察
乎其數雖糾紛萬變而立言大本可得而知又吉凶善
否必有其例晝休
夜咎至有文似非吉而例則不凶深探其
源必有微旨此最宜審者也至於准繩規矩不同其施
舊說以為非吉然此首為戾其辭皆始戾而終同如規
矩方圓之相背而終成其用若琴瑟之專一孰聽其聲
圓方之共形豈適於器此其以戾而獲吉也其有察辭

似美而推例則乖者至如土中其廬設其與居土之中

乘君之乘吉之大者也而考於其例

當夜

理則當凶推其

所以然則廬者小舍也

漢制宿衛者有直廬在殿庭中

土中正位也小

人而居正位又乘君子之器禍其至焉故下云厥戒渝

也凡此之例畧章一事以明之餘則可以三隅反也又

如中之上九既陽位又當晝時例所當吉而羣陽亢極

有巔靈之凶與易之亢龍其義同驗如此之類又可以

例推所謂玄之又玄衆所不能知也又一首之中五居

正位當為首主宜極大之辭究而觀之又有美辭去六者然則陰首以陰數為主陽首以陽數為首其義可明玄之大體貴方進賤已滿七與八九皆居禍中而辭或極美者窮則變極則反也大抵以到遇之首為天時所逢贊為人事居戾之時則以得戾為吉處中之時則以失中為凶消息盈虛可以意得其餘義例分見注中庶將來君子以覽之也

揲法三

經曰凡筮有法不精不筮不軌不筮不以其占不若不筮當其致精誠厥有所疑然後陰言其事呵策訖乃令著曰假太玄假太玄孚貞爻質所疑于神于靈休則逢

陽星時數辭從咎則逢陰星時數辭違

此已上並今筮辭

天之

策十有八地之策十有八地虛其三以扮三

扮配也

猶大

衍之數五十其用四十有九故玄筮以三十三策令著既畢然後別分一策以掛于左手之小指中分其餘以

三揲之并餘於旁

此餘數欲盡時餘三及二一也

又三數之

并旁之後便都數之

不中分矣前餘
及芳不在數限
數欲盡時至十已下得七為一畫餘八
為二畫餘九為三畫凡四度畫之而一首之位成矣玄
之有七八九猶易之有四象也易卦有四象之氣玄首
有三表之象

占法四

首位既成然後有陰陽晝夜經緯所逢占之欲識首之
陰陽從中至養以次數之數奇為陽數耦為陰數晝夜
者九贊之位於陽家則一三五七九為晝二四六八為

夜於陰家則一三五七九為夜二四六八為晝經者謂
一二五六七也旦筮用焉緯者三四八九也夕筮用焉
日中夜中雜用一經一緯凡旦筮者旦占用經當九贊
之一五七也遇陽家則一五七並為晝是謂一從二從
三從始中終皆吉遇陰家則一五七並為夜是謂一違
二違三違始中終皆凶

旦筮則一五七為所逢之贊而占決焉二六九為日中故經云

晝夜散者禍福雜也

凡夕筮者占其中用緯當九贊之三四八也

遇陽家始休中終咎若日中夜中筮者二經一緯當九

贊之二六九也遇陰家始中休終咎所用贊下為始次
為中上為終故經曰觀始中決從終大抵吉凶休咎在
晝夜從違若欲消息其文則當觀首名之義及所遇贊
辭與所筮之事察其象稽其美惡則玄之道備矣或有
晝夜既從而首性贊辭遇於迓戾則可用也經云星時
數辭從星者所配之宿各以其方與本五行不相違克
也假如中首所配牽牛北斗水行與首同德是星從也
時者所筮之時與所遇節氣相逆順也假如冬至筮遇

十月以前首為逆冬至已後首為順也數者陰陽奇耦之數以定所遇之晝夜夜為咎晝為休辭者九贊之辭與所筮之意相違否也凡此四事並當參而驗之從多為休違多為咎

辯首五

天玄二十七首

中周磻閑少戾上千疇羨差童增銳達交與僕從進釋格夷樂爭務事

地玄二十七首

更斷毅裝衆密親
斂彊睟威居法應
迎遇竈大廓文禮
逃唐常度永昆

人玄二十七首

減噍守翕聚積飾疑視
沈內去晦普窮割止堅
成闕失劇馴將難勤養

中者萬物之始且得中

辨首之辭
具在經注

九雖當晝亢極凶符

者臨也進萬物扶陽而進雖當晝終亦凶也

親者貴以其身下人則親交之道著八雖當畫而處亢不能下人故君子去之也應者應時施宜七五九當畫吉自此後陰生故有戒也大者陽氣盛大象豐卦九為大極雖得畫而微凶

嗟者陰陽不通象否卦二四六八當畫當嗟之時不能無咎極亦凶也窮者萬物窮極思索權謀自濟也九處窮極畫亦凶

太玄圖

揚氏始著玄時已有此圖後世妄儒多稱已撰誣問世俗不為媿恥況范望注玄圖云圖畫四重解釋甚明學者宜譯焉

(The page contains dense handwritten Chinese text arranged in vertical columns, likely bleed-through from the reverse side. The text is mostly illegible due to the angle and quality of the scan.)

太玄經卷首

欽定四庫全書

太玄經卷一

漢揚雄撰

晉范望注

贊曰揚子雲處前漢之末值王莽用事身繫亂世遜
退無由是以朝隱官爵不徙昔者文王屈抑而繫易
仲尼當衰周而述春秋為一代之法以彰聖人之符
子雲志不申顯於是覃思耦易著玄其道以陰陽為
本比於庖犧之作事異道同福順禍逆無有主名桓

譚謂之絕倫張衡以擬五經非諸子之疇也自侯芭受業之後希有相傳受者乃到建安年中故五業主事章陵宋衷鬱林太守吳郡陸績各以淵通之才窮核道真為十篇解釋足以根其秘奧無遺滯者已然本經三卷雖有章句辭尚婉妙並宜訓解且此書也淹廢歷久傳寫文字或有脫謬宋君創之於前鬱林釋之於後二注并集或相錯雜或相理致文字猥重頗為繁多於教者勞於誦者勸望以閤因學不博識

昔在吳朝校書臺觀後轉為郎讎講歷年得因二君
已成之業為作義注四萬餘言寫在觀閣亡其本末
今更通率為注因陸君為本錄宋所長捐除其短昇
首一卷本經之上散測一卷注文之中訓理其義以
測為據合為十卷十萬餘言意思褊淺猶懼不能發
暢楊氏幽微之旨裨闡後學未覺也

揚氏始作之本
已畫方州部家

四位定五行之數分七百二十九贊為天地人三玄
惟宋陸注本不畫首象其餘侯苞虞翻注本並畫首
象近世林氏撰玄後序云瑀今以舊經方州部家隨
首畫象以四位之數列首之下五行之性參次其中

三才之儀各從方立昇測之辭散於贊末若此數事皆范叔明注時所定今林氏以為已意未知孰是故

兩存焉

從中至增第一

馴乎玄渾行無窮正象天

馴順也玄天也渾渾天之行也無窮謂晝夜不

休無窮已也玄正取象於渾天故言正象天也○此玄首都序也揚氏本連首辭自為一卷范望解贊時并此序於經之首將首辭散在八十一首方州部家注之下

陰陽玳參

參三也此此也

三三相乘以一陽乘一統萬物資形

資者取也陰陽相參以為三方一陽

轉為九矣即一方也一統則天統也舉一方一統則二方二統可知也三統相承以主萬物故萬物取形於是也

方

州部家三位踈成

踈大也言陰陽乘三統為方州部家大數則三統之位乃大成也

曰

陳其九九以為數生

言三方一位乃運為八十一首陳列乎其中故言九九以數生也

贊上羣綱乃綜乎名

贊九贊之辭也羣綱諸陽也陽動則陰從言諸綱動於上乃綜理衆

首之名姓故言乃綜乎名也

八十一首歲事咸貞

貞正也八十一首周流一歲之事候

司八節各得其正故言咸貞也

此玄首都序畢

盛哉日乎丙明離章五色淳

光

盛哉者歎美之言也丙炳也離散也五色五行之方色也言日炳然明朗光耀離散於天下各隨其物色

光采淳明也。此玄測都序也測準夫子贊易諸爻之下象辭也十一篇中自為一卷至沱望解贊時昇此序

於經首將測辭散於逐贊之末

夜則測陰晝則測陽晝夜之測或否或

臧臧善也測知也言日晝則知陽夜陽推五福以類升則知陰一陰一陽故或善或否矣

五福壽富康寧好德終命陽為吉故與五福升也陰幽六極以類降降下也六極凶短折

疾憂貧惡弱陰為凶升降相關大貞乃通貞正也關交也陰陽升降

更相交錯天道經則有南有北緯則有西有東東西為緯南北

為經緯相錯巡乘六甲與斗相逢巡行也六甲日之幹也言日行乘六

甲周而復始以成歲事歷以記歲而百穀時雍時調也雍和也

日行斗左故相逢也歷者義和氏所謂歷象日月者也期三百有六旬有六日以閏月定四時是也四方之事得故百穀調和也

○此玄測都序畢

三一

方一州一家

中

此首名也天玄陽家一水天下象中孚卦

陽氣潛萌於黃宮

信無不在乎中

行屬於水謂之中者冬至之節日起牛宿一度斗建子位律中黃鍾夏之十一

月也萬物萌芽於黃宮之中故名此首為中也上為宮性其色黃故言潛萌於黃宮也水色玄玄為天天在地外天玄地黃是以為經之首。此玄首辭也象易彖曰大哉乾元已下之辭也太玄列渾天為八十一家各有姓名序運周普班固曰揚雄作太玄為其秦曼悲而不可知故作首衝錯測攤瑩數文祝圖告凡十一篇以解剥玄體此乃一篇并序自為一卷宋衷解詁陸績釋正共為一注至范望解贊時采宋陸二家之義錄長捐短就加新意以成此注

初一昆侖旁薄幽

昆渾也侖淪也天之象也旁薄

猶彭魄也地之形也幽隱也言天渾淪而包於地地彭魄而在其中天之晝夜過周一度日或隱或見見照四

方隱故稱幽言日在地下幽隱不見也一者水也家性為水天之出入利涉大川而四時辰極冬得其正也○

此五贊之辭後人目為經辭也揚氏本以七百二十九贊分天地人自為三卷其辭之下宋陸無注晉范望沿

宋陸注測之義專解此贊自成一家次於逐首辭下而削去舊注日星節候上中下度數今且據范望本不添

也

測曰昆侖旁薄思諸貞也

言天運行惟以正也○此是宋陸二家所注即非

范望注也蓋范望采此注意自解經贊儒有近習罔知本末妄將此注昇於測曰之上以雜范注混亂義訓今

依范望正本移於測曰之下免誤學者已下七百二十九測注並同次二神戰于玄其陳

陰陽

二火也在中為心心藏神內為玄陰陽爭為戰兩敵稱陳十一月之時於消息為復陽當消陰陰陽

相克故言戰也測曰神戰于玄善惡并也陽善陰惡相并奪也次三龍出

于中首尾信可以為庸

庸法也三木也木在東方故稱龍也春陽之氣萬物所出故稱

出也言首尾可以為法者首出庶類萬物資始故其首尾可以為法也

測曰龍出于中見

其造也

首出庶物造成之也

次四庫虛無因大受性命否

四金也廢則為

陰陰道卑虛無所因緣待陽唱導乃和而承之欲大受反陰之義故否也

測曰庫虛無否不

能大受也

陰道默從故不能也

次五日正于天利以其辰作主

五為

天子日君象也五亦為土君而有土參明于日故為天子也中央之位四方之所歸故為主也日之加午光焰

天下主正四方故云利也

測曰日正于天貴當位也

貴在中央於天位也

次六

月闕其博不如開明于西

六水之廢也月水之精也在廢之行故闕也生明于西日

以就盛到十六毀園於東
方故不如開明於西也

測曰月闕其博明始退也

臣道

毀闕故明退也

次七酋酋大魁頤水包貞

七火也酋就也魁藏也包取也火始玉水

流下萬物當成就業冬
藏而養之各得其正也

測曰酋酋之包任臣則也

臣主收斂

故任其則也

次八黃不黃覆秋常

八為木木上玄下黃故以黃論黃亦中央之色八亦

上體之中黃宜中不中
者敗其成就之法也

測曰黃不黃失中德也

宜中不中故失

德也 上九巔靈氣形反

九為金萬物之所終也物之所終亦于九贊亦終於九也巔下也死

氣為鬼其形為鬼鬼登于天鬼歸于
地故言反也登則為神故謂之靈也

測曰巔靈之反時

不克也

克堪也天命終訖非所堪也

三

一 方一州
一部二家

周

天玄陰家二火
下中象復卦

陽氣周神而反乎始物

繼其彙

行屬於火謂之周者冬至之後陽氣之所始也
周復也易曰七日來復是也彙類也言萬物各

繼續其類周復其道故謂之周
周之初一日入牛宿五度也

初一還於天心何德之

僭否

僭差也否不也水性周營天心至仁家性為火而
水居之當依至仁之德而欲克本是為過故否也

測曰還心之否中不怨也

本末相克
故不怨也

次二植中樞周無

隅

二火也正午為中樞立則運言二極相當為天杠抽
運周晝夜故言無隅隅方也晝夜周運言二極無方

也常測曰植中樞立督慮也

慮度也督正也
運以正度也

次三出我入

我吉凶之魁

魁藏也我謂三也三為木火之母也火無
木不盛火盛則消木夫為人子無克母之

義夫為人母無證子之道其有吉有凶猶相為隱故言吉凶之藏也

測曰出我入我不可

不懼也

一則以喜何可不懼也

次四帶其鉤鞶鍤以玉鐶

四金也其於九

贊在中而下腰之象也腰中之金故謂之鉤鉤無帶不立帶無鉤不著相須成體以自申束不失禮節可以為王臣故有五

測曰帶其鉤鞶自約束也

約束其身不失於禮法也

次

五土中其廬設于金輿厥戒渝

渝變也易曰君子得車尚可載也五以中和之

德而處金輿之位出命行令以御下臣言戒渝者安不忘危故自戒無變周也

測曰廬金戒渝

小臣不克也

安不忘危不為小人所勝也克勝也

次六信周其誠上通于

天

亨通也六為宗廟君之所奉聖君奉神唯信唯誠故其肅敬通于天也

測曰信周其誠

上通也

奉神以信故上通也

次七豐淫見其朋還于蒙不克從

謂朋

二也二七合于南見其朋故知為二也七火之王家性為火朋合故曰豐淫言淫術也而在周家周而復始故

曰還也蒙者蒙蒙二火朋合未

知所正故無所克而從之也 測曰豐淫見朋不能從

也

蒙蒙未除故不能從也

次八還遇躬外其禍不大

躬身也八為禍中故言禍

也雖則遇禍不入於身故不大也

測曰還遇躬外禍不

中也

非己之藏故不中也

上九還于喪或弃之行

九為金而在火家為火所爍故

言喪也亦在秋位萬物所終還

測曰還于喪其道窮也

而遇喪非家禍故或弃之行也

遂而遇喪故道窮也

三

一方一州一部三家

磳

天玄陽家三木下上象屯卦

陽氣微動動而磳磳物

生之難也

行屬於木謂之磳者磳難也冬至之節陽氣微動生萬物磳而難也故謂之磳磳之初一

日入女宿二度也

初一黃純于潛不見其畛藏鬱於泉

畛根也鬱化也

此言十一月之時陽氣潛在地下養萬物之根莖在黃泉之下不見其根鄂也

測曰黃純于潛

化在噴也

噴情也不見其根故化由其情也

次二黃不純屈于根

二在下

木下有火故相屈也不純者火色黃白色曰不純也易貴卦曰山下有火黃白色也

測曰黃不純

失中適也

不純故不適也

次三赤子扶扶元貞有終

元始也扶扶幼小之

貌也人之幼小可成可敗故當正之於始也家性為木三亦為木以木扶木故有終也

測曰赤子

扶扶父母瞻也

幼教長王父母之所瞻視者也

次四拔我不德以力不

克

金者乾乾強健故為力磳難之世萬民勞悴四處臣位拔之以不德恃其強力故不克也

測曰拔

我德力不堪也

以力濟世非所堪也

次五拔車山淵宜於大人

性

為磳土而為磳難山淵象也車在其中惟大人而拔測之五為天子故稱大人民溺於世唯大位而濟之也

曰拔車山淵大位力也

大位謂若周公東征禹導九河是其力也

次六將其

車入于丘虛

水為險難將車入險在於丘虛之中非所以濟世也車以喻君君而隨臣臣道不正

猶入測曰將車入虛道不得也

言不得君臣之道也

次七出險登

丘或牽之牛

大生土故為丘七為絲繩之所用故言牽牛牛土畜也出險登丘為牛所引猶紂時

欽定四庫全書

太玄經

八

之民見酷日久而過文王拔之於死如出險之車登在高丘為牛所引離於難也

測曰出險登

丘莫之伐也

比力如牛非所伐也

次八車不拔髀軸折

象性磳難八有車象

秋木被刑重自艱難牛不能引折髀敗軸不能濟也

測曰車不拔躬自賊也

艱難之世

賊其身也

上九崇崇高山下有川波其人有輯航可與過其

其辭也輯航所以濟難也九為金故稱山崇高之山而有川波明其難也波川之險須輯航而濟之磳難之世

須聖人而拔之也

測曰高山大川不輯航不克也

克能也言非輯航不

能濟也

䷋

一方一州二部一家

閑

天玄陰家四金中下亦象屯卦

陽氣閑於陰磳然物咸

見閑

行屬於金謂之閑者冬至氣終此首之次三小寒起於此首之次四陰雖盡於下而猶壯於上故能

防閑磳磳然而萬物亦皆見其防閑故謂之閑閑之初一日入女宿六度初一蛇伏於泥無

雄有雌終莫受施

一在金世子母相扶可以養物季冬土伏若雌之象故言有雌雄以喻龍

而言蛇者伏在地中形未大變故以蛇論

測曰蛇伏于泥君不君也

龍而蛇伏故不

君者次二閑其藏固珍寶

閑閑也珍寶美道也二為平人而在閑家故自防閑不與

流俗守其善道而已也

測曰閑其藏中心淵也

淵深也守道求己德之深也

次

三關無鍵舍金管

三木故稱關鍵簫也關而無簫故舍金管也閑閑之家宜明管簫以止出

入金而無鍵故舍管也

測曰關無鍵盜入門也

無鍵之門盜入之也

次四拔

我輓輓小得利小征

我萬民也輓輓喻信也語曰大車無輓小車無軌此之謂也四臣道

也有佐於君牧養萬民之義非信不立故拔之以信征行也以信教民政可以行故曰小征也測曰拔

我輓輓貴以信也

治民以道信行于下也

次五磳而閑而拔我姦

而非石如石厲

厲危也五為土土中之難石之象也磳閑之世萬事皆難五處中位當拔除其

姦非石之固而使如石故危也

測曰磳閑如石其敵堅也

如石不拔故堅也

次

六閑黃埃席金第

六為宗廟營衛也五土也五堵為埃黃中也宗廟之中故有黃埃之室金

第之牀也

測曰閑黃埃以德固也

以君之德固

次七阻阻閑

于遽除或寢之廬

阻阻惡貌也七為無道故曰遽除遽除之人不能俯者也家性為閑當防

閑惡人以清王道防而不固
測曰阻阻之閑惡在舍也

讒人進入故或寢之廬也
次八赤臭播關大君不閑克國乘家赤臭惡人也八

東方也帝之所出故稱大君而有惡人播關欲
測曰赤

臭播關恐入室也惡人在外恐入其室也
上九閑門以終虛家性為閑

世自閑閑又有惡人欲入其室
測曰閑門以虛終不可

實也虛已受賢故終不實身以情欲也

三二方一州少天玄陽家五土
陽氣澹然施於淵物謙

然能自載行屬於土謂之少者陽氣澹然溫和萬物於土中萬物始自載幼故謂之少少之初一日

入女宿十二度

初一冥自少眇于謙

眇微也為土所克而自戴幼故微於謙也謙尊而光

故冥也

測曰冥自少不見謙也

謙光之家以不見為貴也

次二自少不

至懷其卹

火在土家子母相養以至孝道故已少不至卹憂也見衰則懼故憂也

測曰自

少不至謙不成也

謙虛之道若不成也

次三動戴其得人主之式

戴少也式法也三為進人進德修業以謙為本終當居位君臨百姓故其以少得人主之法也

測曰戴

其得人謙貞也

謙以得民是其正也

次四貧貧或妄之振

四為下祿金性

剛強而在少家祿下而少故曰貧貧三為四財故曰妄振也

測曰貧貧妄振不能守

正也

妄受振救故不守正也

次五地自沖下于川

五為土而在土世故稱地也沖

虛也。家性為少土而虛少故受百川。
也易曰君子以虛受人此之謂也
測曰地自沖人之

所聖也

必受邦國為聖君也

次六少持滿今盛後傾

傾謂七也盛為六也六為

水七中最盛莫多於水故稱盛也盛則盈故傾也

測曰少持滿何足盛也

盈則溢故

不足美

次七貧自究利用見富

富謂八也八為木貧為七七為火火貧故利木

富也火非木不生母大則子盛故利木富也

測曰貧自究富之聘也

子貧母富故相

求次八貧不貧人莫之振

八木之廢也秋木葉落葉落歸林是其充富枝枝扶疎外

以是貧其實不貧故莫振也

測曰貧不貧何足敬也

不貧稱貧故不足敬也

上

九密雨溟沐潤于枯瀆三日射谷

金生水故為雨雨之細者稱溟沐細密之

雨能潤於枯瀆況於谷耶射厥也谷之受水而加以霖故厥也

測曰密雨射谷謙之靜

也細以致多猶謙以致尊也

三

一方一州二部三家

庚

天玄陰家六水中上象勝卦

陽氣孚微物各乖離而

觸其類

行屬於水謂之庚者言陽氣信微而萬物乖離射地而出觸類相將故謂之庚庚之初一日入

虛宿四度初一虛既邪心有傾

家性為庚水無乖庚故虛也初為下人人下而邪故心傾

也乖庚之家每事失正故危也

測曰虛邪心傾懷不正也

其危在心故不正也次

二正其腹引其背酋貞

酋就也貞正也腹以喻內背以喻外自內及外自近及遠君臣

道正故就貞也測曰正其腹中心定也

內外以正故定也

次三戾其腹

正其背

乖戾之家動失其實不正其內而正其外故腹戾也

測曰戾腹正背中外

爭也

中外不同故致爭也

次四夫妻反道維家之保

四者允位故為妻陰也所

尊則為夫也夫在其外妻在其內故反道也各反其事則家道正故可保也

測曰夫妻反道

各有守也

各守其正者也

次五東南射兕西北其矢

五為土土生金故為

弓矢牛土畜也故為兕家性為乖兕在東南而矢西北明其乖也

測曰東南射兕不得

其首也

首向也乖戾之家失其所向也

次六準繩規矩不同其施

水者平

齊也故為準規家性乖離所施各異故不同也

測曰準繩規矩乖其道也

所施不同

故道乖也

次七女不女其心予覆夫諱

七為仲女乖戾之家故不女也七陽位也

故稱夫諱謀也予我也我謂五也心在于五欲下求正陽婦人之義無非無宜今七為女而與外謀故曰不女也

測曰女不女大可醜也

女而不女故可醜惡也

次八殺生相矢

中和其道

生為兇也九克於八故殺生也矢乖也射兇東南而矢西北故相乖也八在上中故和也

測曰殺生相矢中為界也

雖其乖猶以中為自界限也

上九倉靈之

雌不同宿而離失則歲之功乖

倉者東方靈神神為歲星也五星失度則妖祥

生妖祥生則歲功不登也

測曰倉靈之雌失作敗也

年歲不豐故敗也

三

一方一州三部一家

上

天玄陽家七火上下象升卦

陽氣育物于下咸射地

而登乎上

行屬於火謂之上者小寒之氣萬物為陽氣所有養於下皆射地而上故謂之上上之初

一日入虛宿八度也

初一上其純心挫厥

斲斲斲斲家性為上而本火世火性炎上故曰

斲斲也以水克火故曰挫也水性專一故稱純心也

測曰上其純心和以悅也

純心

自抑故和悅也

次二上無根思登于天谷在于淵

上家火世二亦火也故思

登于天雖其欲上當由其本進而無根雖得高位所不貴也

測曰上無根不能自治

也不進以道亡之原也

次三出于幽谷登于茂木思其珍穀

三木之王

故茂也十一月之時陽氣始胎到春而王故言出于幽谷登茂木也三為進入終必登高而享天祿故思珍穀

也測曰出谷登木知向方也

出谷登高所向方遠也

次四即上不

貞無根繁榮孚虛名

四者兌兌為口口舌之人而在上世上不以正故言虛名親承於五

而非虛也

測曰即上不貞妄升也

處非其正故言妄升也

次五鳴鶴升

自深澤階天不恁

木在水下故稱深澤五在中中為天子位恁慙也詩云鶴鳴九臯聲聞于

天五處天位以其先治聲名然後升高猶舜耕歷山而升天位處之以正又何慙乎

測曰鳴鶴不

恁有諸中也

以道居官得人之中心也

次六升于堂顛衣到裳廷人

不慶

六為宗廟故稱堂也宗廟之中威儀以禮今乃顛倒衣裳朝廷之人不善之也

測曰升堂

顛到失大衆也

廷人不善故失大衆也

次七升于顛臺或柱之材

臺謂八也七當上往八有高危之狀故稱臺也高危必墜而有良輔以自柱故言或柱之材也

測曰升

臺柱輔弗堅也

處高終顛故弗堅也

次八升于高危或斧之梯

八為

木故稱梯也或謂九也九為金
故稱斧梯而見斧故知其危也
測曰升危斧梯失士民

也終於危墜故
失士民也
上九棲于簷初亡後得基
九秋位萬物之所歸故稱

棲金在火世故為初亡
見災為懼故得基也
測曰棲簷得基後得人也
改過脩善

得天下
之心也

三 一 方 一 州
三 部 二 家
干 天 玄 陰 家 八 木
上 中 亦 象 升 卦
陽 氣 扶 物 而 鑽 乎 堅 鈴

然有穿
行 屬 於 木 謂 之 干 者 大 寒 氣 也 鈴 陷 聲 也 言 是
時 陰 氣 堅 乎 上 陽 氣 扶 萬 物 下 而 鑽 之 則 鈴 然

而穿故謂之干干之初
一日入危宿三度也
初 一 九 鑽 鑽 干 內 隙 厲
家 性 為 干 動 輒

干時水性洊淪鑽土而下故曰
鑽也土可鑽入故內隙厲也
測曰九鑽干內轉九非

也

丸猶專也轉心不專故非也

次二以微干正維用軌命

火性燥暴其世為干

故能犯上干其非義順納其言故正也

測曰以微干正大諫微也

君能用諫道之

微妙也

次三藉鍵挈挈匪貞

貞正也藉乖也鍵折也家性為干動則干時故乖非折之

關故曰非正也

測曰藉鍵挈挈干祿回也

求祿不正故回邪也

次四干言

入骨時貞

四為言骨論深也入必以正故貞也

測曰干骨之時直其道也

正諫直言是其道也

次五蚩蚩干于丘飴或錫之坏

坏未成瓦也五為土故稱

坏丘聚也飴美食也家性為干五處天位當有坏身約已干祿百福而反蚩蚩求非其正故或錫坏土之辱有

似晉文求食五鹿獲塊反國之慶也

測曰蚩蚩之干錫不好也

見錫以土故不好也

次六幹干於天貞馴

六為宗廟故于天也馴順也干之以正故曰貞馴也

測曰幹

干之貞順可保也

順正于君何所不保也保安也

次七何戟解解遘

遘遇

也七為戈兵故言戟也在六之上故稱何戟解解戟多之貌七為無道之主主而無道多所逢遇猶何戟解解

多絀絀羅也

測曰何戟解解不容道也

解解多結故道不容也

次八赤

舌燒城吐水于餅

赤舌謂九也兌為口舌八為木木生火火中之舌故赤也赤舌所敗若火

燒城詩曰結婦傾城口舌之由也金生水故吐水也水滅於火雖有傾城之言以水拒之災無由生矣

測

曰赤舌吐水君子以解崇也

崇猶禍也以水解火禍之散也

上九干于

浮雲從墜于天

九在于世而為之終終于富貴求不以義如浮雲也不義而富故墜于天也

測曰干于浮雲乃從天墜也

不義之財終墜落也

☰

一方一州三部三家

狩

天玄陽家九金上上象臨卦

陽氣強內而弱外物咸

扶狩而進乎大

行屬于金謂之狩者陽氣在內而天陰氣在外萬物扶狩而上故謂之狩狩初

一日入危宿七度

初一自我匍匐好是宜德

一為下人始當升上故匍匐也宜義

也家性為狩狩曼而進匍匐之貌也宜德謂五也五為君位故衆下之心樂從之也

測曰匍匐宜

德若無行也

匍匐而進之者若無人行也

次二熒狩狝狝不利有攸

往

熒者亮明小見之貌從一至二道數至微始當匍匐而進取狝狝貪欲之意也今而見其光明後進承

陽失其家性故不利有所往也

測曰熒狩狝狝多欲往也

往故多欲也

次三

弁炎于狩宜于丘陵

三木故言弁二火也火生土土上之木故宜于丘陵也木之生陵進

長之道故言弁炎炎盛大之貌也

測曰弁炎丘陵短臨長也

短相臨長大之貌

次四狩于酒食肥無譽

四為公侯故有酒食之道也酒食以成禮過則伐德家性為狩

狩而不止以至沈湎故無譽也

測曰狩于酒食仕無方也

唯酒無量次

五狩有足託堅穀

五土也土受稼穡故為穀也亦為君位在扶狩之家故以足喻也臨長四

方祿以養賢故託之以堅穀也

測曰狩有足位當正也

正當君之位也次六獨

狩逝逝利小不利大

宗廟之義神靈所在故稱逝逝言其明也鬼神之道求之幽微故利

也小測曰獨狩逝逝不可大也

幽微之道細以入神也

次七白日臨

辰可以卒其所聞

辰時也七為日過時之王高而無民年老事終正在於五但常論道經書

自娛故言可卒其所聞也

測曰白日臨辰老得勢也

子世父位父得子榮故得勢也

次八蚤虱之狩厲

家性為狩亦狩附於人故以為喻厲危也蚤虱之性苟尋而進故危也

測曰蚤虱之狩不足賴也

動以致危故不足賴也

上九全狩綦其

首尾臨于淵

首始也尾終也九為極淵為一也綦者相眷之義家性為狩匍匐而進從九反初

故臨于淵也

測曰全狩之綦恐遇困也

終始相狩常恐至於困也

三一

一方二州一部一家

羨

天玄陽家一水下亦象臨卦

陽氣贊幽推包羨爽未

得正行

行屬於水謂之羨者言萬物尚為陰氣所包爽差也當差次而上今乃在下淫羨土中未得正

行故謂之義。義之初一日入危宿十二度也。初一義於初，其次迂塗，行屬於水一亦

為水家性淫，義流屈無常故。測曰：義於初後難正也。淫

言迂塗迂塗曲縈之貌也。曲縈難正。次二義于微，克復可以為儀。義邪也。儀法也。二為平人雖在

以直道也。邪俗從之微淺而反。測曰：義微克復不遠定也。反之即

正道故可以為法也。遠次三義迂塗不能直如。三為進人進德修業測曰：義

迂塗不能直行也。家性邪迂故不能直也次四義權正，吉人不幸

家性為邪，四在臣位雖當從俗。測曰：義權正善反常也。

權而自正謂如徵倖之人也。反之於次五孔道夷如蹊路微如大輿之憂。五君位也亦為大車

大車老所乘也家性為邪大道平易舍而不從而從蹊徑故為憂也測曰孔道之夷奚不

遵也

何不遵大道也奚何也

次六大虛既邪或直之或翼之得矣

夫

六處高位下之所宗故有直翼之佐矣夫正也佐之以直虛邪消除故曰得正夫也

測曰虛邪

夫夫得賢臣也

以正自輔故得賢臣也

次七曲其故迂其塗厲之

馴

馴順也家性為邪七為失志性邪道迂故厲也以五自奉血食萬姓故順也

測曰曲其故

為作意也

在上為神為神後祠作祐助之意也

次八羨其足濟于溝瀆面

貞

面向也貞正也溝瀆之難人所避也邪行避之則可以濟其世雖邪邪行避難所向則正也

測曰

羨其足避凶事也

向善避惡道之正也

上九車軸折其衡捫四馬

就括高人吐血

九金也金者乾君之象也括會也捫折也軸折衡捫故四馬會也高人賢者也

血以潤體祿以榮臣故以血為喻也上失其道賢者奔亡故言吐血也

測曰軸折吐血終

不可悔也

臣之於君不合則去亦悔也

三

一方二州一部二家

差

天主陰家二火下中象小過卦

陽氣蠢關於東帝由羣

雍物差其容

行屬於火謂之差者立春節帝出于東陽氣用事羣生雍容在於地中差次而出故

謂之差差之初一日入危宿十六度也

初一微失自攻端

一為下人家性為差差次當上

而在火世當相克害而自攻治以道自正故曰端也

測曰微失自攻人未知也

微失

反正不為二五所知也

次二滯其所好將以致其所惡

二火也而在火行二

大合同是其所好所惡者親
近於水水盛火衰故惡也

測曰寤其所好漸以差也

宜以漸差次而進之也

次三其亡其亡將至于輝光

木盛則華故曰輝光重言

其亡其亡者安不忘危戒懼也進德脩業兢兢自懼防微慮無遂致光榮也

測曰其亡其亡

震自衛也

震懼也恐懼戒自衛護也

次四過小善不克

過去也四為公侯親近至

尊奉上接下唯善是務易曰小人以小善為無益而弗為也善不積不足以成名不為小善故曰不克克能也

小善不為終不能大善乎

測曰過小善不能至大也

小而不為焉能至大也

次

五過門折入得此中行

門謂四中行謂五也家性為過見善而入則為中也五處天位

雖在過家不違於義也

測曰過門折入近復還也

去過反貞故近還也

次六

大跌過其門不入其室

跌過也過門而去不入室者嫌為五所克水在火行心不自安

也

測曰大跌不入誠可患也

去過反貞故近還也

次七累卵業業

懼貞安

業業危也貞正也七為火在火之行懼其炎盛故危無道之王常如累卵故以諭而自戒懼故

正安

測曰累卵業業自危作安也

戒之以危危必安也

次八足累累

其步蹉躓輔銘滅麋

累累履枉貌也過而不改身既被枉又見鉗銘輔麋掠剋故曰滅眉

也

測曰足累累履禍不還也

不早自改故不還也

上九過其枯城

或藥青青

九為上極極上反下故藥青青枯虛也枯城謂故都也家性為過過位而上故歷故都也

測曰過其枯城改過更生也

窮上反初更生之謂也

三

一方二州
一部三家

童

天玄陽家三木
下上象蒙卦

陽氣始窺物僅然咸未

有知

行屬於木謂之童者立春之節萬物孚甲始出
枝葉未舒故謂之童童之初一日入營室四度

初

一頽童不寤會我蒙昏

木之初發蒙蒙然故言不寤也
我為也三是進德修業之時今

一幼稚若初發之木未修小學不欲
要三童已之蒙故言會我蒙昏也

測曰童不寤恐終

晦也

不早要三以
致晦闇也

次二錯于靈著焯于龜資出泥入脂

脂美也謂榮祿也二為火故曰焯著曰筮龜曰卜卜者
所以決疑言出泥入脂者言小從沴泥之中出求榮祿

之處也

測曰錯著焯龜比光道也

比親也親求
光榮之道也

次三東辰

以明不能以行

辰時也時明諭明師也家性為童童而
未闔幸見明時不能行以求覺已之蒙

故孔子曰聞義不

能徙此之謂也 測曰東辰以明奚不逝也

何不往而學也

次

四或後前夫先錫之光

前夫謂三也三見明師而未就四雖在後徙義從善親近於

五附著賢者先見榮飾故曰先錫之光也光謂公侯也

測曰或後前夫先光大也

得君之光以為大也

次五蒙柴求兕其德不美

五處天位昇在童蒙之世若幼眇之

君禮儀未備盤于遊田蒙突林木以求兕獸雖實得之君子不貴故曰其得不美也

測曰蒙柴求

兕得不慶也

得之不道故不以所獲相慶也

次六大開帷幕以引方客

六為宗廟春秋祭祀以神事之故開帷幕延要賓客也

測曰大開帷幕覽衆明也

覽照四方故明也

次七脩侏侏比于朱儒

脩長也七為無道故云侏侏侏侏無所知

也朱儒未成人也七雖長大而不學道侏
侏然若未成之人也故以侏儒為諭焉

測曰侏侏之

脩無可為也

侏侏無知何可為也

次八或擊之或刺之脩其玄鑒

渝

八為疾瘕故見擊刺以治其過脩治也鑒鏡也渝變也家性為童大道未開故修玄鑒以正其變也

測

曰擊之刺之過以衰也

疾瘕之王道之衰也

上九童廩觸犀灰其

首

廩童犀角而相抵觸剛弱不等有勝有否也家性為童九為之終廩為八也犀為九也金剛木懦金克於

木故灰其首也

測曰童廩觸犀還自累也

抵觸於人皆已之累也

三

一方二州二部一家增

天玄陰家四金中下象益卦陽氣蕃息物則益增日

宣而殖

行屬於金謂之增者陽氣蕃息萬物希護而生殖長也日以增益故謂之增增之初一日入營

室八 初一聞貞增默外人不得貞正也一為下人在增之世故聞正道增默然

也默然以自增不為外人所得見也 測曰聞貞增默識內也為內人所識別也 次

二不增其方而增其光冥天性炎上而在增世君子之道積小為高而不增其道而

便猥增耀之光故反冥也方道也冥晦也 測曰不增其方徒飾外也光榮暴增故徒

飾外也 次三木以止漸增止足也謂株根增益益根而幹長求益之道也 測曰木

止漸增不可益也宜以道實故不可虛益也 次四要不克或增之戴

四為金在中稱要克勝也家性為金重剛之世而在增家故曰或增公侯之位受任甚重故增而戴也 測

曰要不克可敗也難戴之重故可敗也 次五澤庫其容衆潤攸同

五土也故稱澤家性為增每事皆增增之以謙則益增之以奢則損故曰不增其方而增其光冥也今五處天位反若澤之庠象水之所湊也老子曰江海所以為百川谷王者以其善下也五能自卑亦所以又邦國也測

曰澤庠其容謙虛大也

卑謙自降道之大也

次六朱車燭分一日

增我三千君子慶小人傷

六為宗廟朝有朱車之飾飾過人君也燭照也照顯神靈

以榮生存也三千以論多也詩云萬福攸同奉祠以禮三千之福亦慶也小人當之不勝其榮故傷也測

曰朱車之增小人不得也

言不能當受神人之福祚也

次七增其高

刃其削丘貞

大生土故言丘丘能自削故貞猶君子處於高位而善下人亦其正也

測曰

增高刃峭與損皆行也

損已益人皆可行也

次八兼貝以役往益

來錫

錫憂也古者貨貝五貝為朋八木也亦為弱弱王道微弱恩澤不行儉嗇禍急貨賂為市日以侵折

下不奉上故致憂也

測曰兼貝以役前慶後亡也

貨賂為市故為前慶慶終致禍

故後亡矣

上九崔嵬不崩賴彼峽嶂

峽嶂山足也崔嵬當崩而不崩者以用彊足之

故也九在增家猶高位之君而不危者以有賢輔之臣也能任賢自輔猶高峻之山賴峽嶂也

測曰崔

嵬不崩羣士彊彊也

彊彊皆是多士而彊盛者也

太玄經卷一

欽定四庫全書

太玄經卷二

漢 楊雄 撰

晉 范望 注

從銳至事第二

䷊

一方二州
二部二家

銳

天玄陽家五土
中中象漸卦

陽氣岑以銳物之生也

咸專一而不二

行屬於土謂之銳者立春之節終於此
首之次四雨水氣起於此首之次五斗

指寅太族用事陽氣岑益精銳萬物專一而生無
有差二故謂之銳銳之初一日入營室十三度

初一

蟹之郭索後蜎黃泉

一水也故稱泉亦為介故稱蟹五
為裸故稱蜎言蟹之後蜎者用心

之不一雖有郭索多足用心測曰蟹之郭索心不一也不一

故後火性上達既以火德而處銳家次二銳一無不達在其土行并力俱上故言無不

達也專一之故測曰銳一之達執道必也必上達也次三狂銳盪三

進人但當進德修業而已在於銳家未見挫折故言銳盪也測曰狂銳之盪不能處

一也狂盪之人故不一也次四銳于時無不利時者得其時也銳而必利故時無不

利也銳以時宜故測曰銳于時得其適也得其適也次五銳其東忘

其西見其背不見其心家性為銳苟自銳進進東則亡西見背藏心不本道實故言銳

也銳東亡西故測曰銳東忘西不能迴避也不求所宜也次六銳于

醜舍于五軌萬鍾貞

醜類也鍾聚也五軌五行也六水也雖在銑世而不失法從五行之

性銑達於類萬福之所聚故正也

測曰銑于醜福祿不量也

萬福所鍾故不可量

數也次七銑于利忝惡至

火在銑家故言利也忝辱也君子之道銑於仁義則吉銑於色

利故惡至也

測曰銑于利辱在一方也

六辱於七在南方也

次八銑其

銳救其敗

木在其土行故相克敗言銳者以木害本既非其宜故銳其木之銳故救敗也

測曰

銳其銳恐轉作殃也

恐作殃禍克其本也

上九陵崢岸峭阤

阤墮也

謂崢嶸也峭峻峭嶸高峻將墮於下故言阤也

測曰陵崢岸峭銳極必崩也

高峻

而銳必崩墮也

三

一方二州
三部三家

達

天玄陰家六水
中上象泰卦

陽氣枝枝條出物莫不

達

行屬於水謂之達者言陽氣日盛布施萬物也枝條
枚末莫不達者故謂之達達之初一日入壁宿一度

初一中冥獨達迴迴不屈

中心也心深稱冥迴通也屈
盡也一中心冥冥獨達於事

故通而
不盡也

測曰中冥獨達內曉無方也

言其所曉通於
四海非一方也

二迷腹達目

二為目又為大腹在水之間水克於火息
心不施故迷腹也家性為達目明外照故

目也

測曰迷腹達目以道不明也

目為心視
故其明也

次三蒼木

維流厥美可以達于瓜苞

東方為春故青木也維流枝
枚垂貌也瓜苞尋蔓於地木

不下其枝枚則不得藁而蔓之而達於上民弱
於下君不施仁以存恤之上下懸絕不相及也

測曰蒼

木維流內恕以量也

居高恕下民所附也

次四小利小達大迷扁

扁不故

四為金陰稱小金稱利陰中之金故小利也四為下祿故小達也不能進賢專於小利故大迷

也測曰小達大迷獨曉隅方也

迷不四達知一方也

次五達于中

衢大小無迷

五為土土而四達故稱衢家性為達而測在中衢無所不通故曰小大無所迷也

曰達于中衢道四通也

無所迷惑故四通也

次六大達無眈不要

止洫作否

眈界也要中也神靈之道何界之有洫小水也有堤坊之險善其如洫故否也

測曰

大達無眈不可偏從也

神祐以福不私於人也

次七達于砭割前

亡後賴

攻斷之威莫絕乎火故稱砭割也火焚宿菜故為前亡以生五穀故後賴也

測曰達

于砭割終以不廢也

除故生新不廢事也

次八迷目達腹

八木七為日目

在木下故迷目迷則心精故達腹也

測曰迷目達腹外惑其內也

有目而迷外惑

也 上九達于咎貞終譽

九在水家家性為達欲反克之故言達于咎也雖咎而貞必達

於咎而預防之故有譽也

測曰達咎終譽善以道退也

以道防咎故善退也

三

一方二州三部一家

交

天玄陽家七火上下亦象泰卦

陽交於陰陰交於陽物

登明堂喬喬皇皇

行屬於火謂之交者雨水之氣太簇用事陰陽交泰萬物登明明在地上

故稱明堂喬喬物長春風之聲貌也皇皇猶煒煒也物長順節枝枚營營而順風交泰之時故謂之交交之初

一日入壁宿六度

初一冥交于神齊不以其貞

一北方也故冥冥闇昧也亦為

鬼神北方太陰陰者鬼神之府也家性為交交於鬼神必以肅敬齊也貞精誠也交於鬼神雖在冥闕不以精誠神弗福也

測曰冥交不以懷非含慙也

冥闕不肅故包慙也

次二冥

交有孚明如

孚信也二為平人平正之人交於神明必以誠信故曰有孚也

測曰冥交

之孚信接神明也

明中平正接神信也

次三交于木石

三木四石家性為交

木石相克而反交通非其所也

測曰交于木石不能嚮人也

舍人交石非所嚮也

次四往來熏熏得亡之門

禮尚往來必相往來交報有章故熏熏也交接之通上下

相顧亡猶絕也不相交報交道廢絕故言得亡之門也

測曰往來熏熏與神交行

也往來以道行之福也次五交于鸞猩不獲其榮

五處尊位交必其人以自匡佐

交非其類何榮之有四為毛屬故稱鷩猩禮記曰鷩猩能言不離鳥獸君子之道無友不如己者況禽獸乎

測曰交于鷩猩鳥獸同方也

方道也交非其入故同方也

次六大圈

閔閔小圈交之我有靈穀與爾穀之

圈國也閔閔敦美之意也六為宗廟

齊晉江奇書有朝聘之道小國入貢必先告之宗廟故言靈穀三國交接動以禮合故言有穀共之也

測

曰大小之交待賢煥光也

相交以禮煥有光儀也

次七交于鳥鼠

費其資黍

七為飛鳥亦為鼠亦為弱王王弱於治而好異端牧養禽獸鳥鼠之類故言費也

測

曰交于鳥鼠徒費也

無益之費故言徒也

次八戈矛往來以其貞

不悔

八為矛九為戈象木銳若矛也戈則生枝亦其象也八交于九法當相克家性為交善交則和不教

民戰是謂棄之農隙之間講武習兵往來戈矛交於測道路無犯非禮故貞貞正也以道正之故曰不悔也

曰戈矛往來征不可廢也

講習以時不廢棄也

上九交于戰伐不

貞覆于城猛則噉

古者治兵以征不義侵伐不止為衆所怨必為大國所吞滅也故有覆城

吞噉之憂有似齊桓不修其師大陷沛澤而執濤塗也春秋譏之也

測曰交于戰伐異可

遂也

遂猶久也戰伐之事何可久也

三

一方二州三部二家

災

天玄陰家八木上中象需卦

陽氣能剛能柔能作能

休見難而縮

行屬於木謂之災者雨水氣終於此首之次七驚蟄起於此首之次八是時陰尚在

上萬物滋生猶以為難陽氣當上剛柔隨時休動未定災而自縮故謂之災災之初一日入於奎宿一度也

初一赤丹方銳利進以退

赤丹草木萌芽也銳進也草木之進能如水浸尋以長日

以上進家性為
災故以退也

測曰赤丹方銳動以退也

當進害陰故
動退者也

次二災其心作疾

作為也二七為火亦為心火在陰中
災而不進故作疾也中火所作故心

疾也測曰災其心中無勇也

災縮之性
故無勇也

次三災其鄰守其

節雖勿肆終無拂

三為進人而在災家不能自退守節
而已不敢肆行終無過差之所拂除

也

測曰災其鄰體不可肆也

災縮之世不可
肆行已意者也

次四災其

哇三歲不噉

四為充故稱哇噉也家性
為災災而自退故不噉也

測曰災哇不

噉時數失也

災縮不言
故失時也

次五黃菌不誕俟于慶雲

菌不
申之

貌家性災退讓以自牧見居天位德測曰黃菌不誕俟
澤藏洽上應乎乾故有慶雲之瑞也

速耦也

嘉慶之會必相俟也

次六縮失時或承之蓄

六為宗廟君之所奉祭如

神在四節不愆家性災縮又不及時故蓄承也

測曰縮失時坐逋後也

後於時節故乃

災生也

次七詘其節執其術共所殤

七木子也屈節奉上於道不違故言執術

術大道也殤盡也節於道執父之業殤身而已也

測曰詘節共殤內有主也

父也子繼父事為家之主也

次八窾枯木丁衝振其枝小人有災三

都鉤羅

家性為災縮木而災縮故窾枯也窾枯之木而當衝風故振也八為疾疾也故稱小人小人而

災終於都退故鉤羅也上則有金金木相近鉤羅之意也

測曰窾木之振小人見侮

也

鈞羅於金故見悔也

上九悔縮往來復

金在木行動相剋害故悔縮金剛當進故

言往去更縮之家故來復也

測曰悔縮之復得在後也

九為其終故在後也

䷗

一方二州三部三家

僖

天玄陽家九金上上亦象需卦

陽氣有僖可以進而進物

咸得其願

行屬於金謂之僖者驚蟄節也僖侯皆待也言陽氣待時而行萬物須陽而長各得其願

故謂侯僖之初一日入奎宿六度

初一冥賊僖天凶

冥陰也子在其母行火之上火盛金

衰故陰賊人者則天賊之故言待天凶也

測曰冥賊之僖時無吉也

陰賊之人無有

吉時也

次二冥德僖天昌

火盛金衰家性為僖動相須待以害其本不即炎起故天昌之

也陰得陽報此之謂也

測曰冥德之僖昌將日也

謂昌日並大之也

次三

僕後時

木在五行恐見克害故僕後時也亦為進人進德修業宜當及時須待之家動則稽退故言後

也

測曰僕而後之解也

宜進不進故解急也

次四誣其角直其足

維以僕穀

金性剛直故以角諭言屈刺害之角直足而行唯善是務故言僕穀穀善也

測曰

屈角直足不伎刺也

角而屈屈故刺害之也

次五大爵集于宮庸

小人庫僕空

土稱宮庸處天之位高德所歸如大爵之集高牆也小人論無德之人非祿所秩必

譏素餐故僕空也

測曰宮庸之爵不可空得也

以德致祿不可妄受之也

次

六僕福貞貞食于金

貞正也六為宗廟神人玉食故言食于金六亦為水金之所生子順

母事故正也子之初生須母養故曰食金也

測曰僕福貞貞正可服也

待福以正

可服者也

次七僖禍介介凶人之郵

郵謂郵亭舍也七為火威則鑠金故稱凶人而

待於禍在七之位故謂之舍介介有害也

測曰僖禍介介與禍期也

介介之禍應期

至也 次八不禍禍僖天活我

一八木也三與於春八衰於秋近比於九秋氣將降故言

不禍禍也家性為待內省無瑕時節宜耳故須天活到春蕃生如其所望故言天活我也

測曰禍

不禍非厥訖也

天時使然故非其過也

上九僖厄厄天撲之顙

行不

正稱厄顙頭也九為之終行不正之道待天禍撲之也

測曰僖厄之撲終不可治

也 惡至禍應故不治療也

三 一 方三州 從 天玄陽家一水

陽躍于淵于澤于田于

嶽物企其足

行屬于水謂之從者言陽氣偏接此四處萬物莫不企足欲長而從之故謂之從從

之初一日入

奎宿十度

初一日幽嬪之月冥隨之基

日君象也嬪

象也一在水行水中之日若在大難未發其明月而從之若旦之日日在月前故言隨之君臣道正故為基也

測曰日嬪月隨臣應基也

君臣相應道之基也

次二方出旭旭朋

從爾醜

二陰也在離為日陰中之日故方代也旭旭未明之間醜類也日方出旭旭之時羣類莫不望

之而從故曰朋從爾醜也

測曰方出朋從不知所之也

日之光明無常所也

次

三人不攻之自牽從之

木性上升君子之道有過則改不待攻治而自申率相牽為善

故言從之也

測曰人不攻之自然證也

牽從於善證則也

次四鳴從

不臧有女承其血匡亡

四酉也為雞故稱鳴臧善也其位陰廢故鳴不善也陰故稱女

亦稱血血憂也匡所以臧也女不親祥承憂自臧故亡也

測曰鳴從之亡奚足朋也

承匡之女不足為朋黨也

次五從水之科滿

科法也水之法不滿不行五為天子動以法度

如水平也

測曰從水滿科不自越也

動以法度故從科者也

次六從其

目失其腹

目以論外腹以論內事不兩得從外失內非所以救仁也

測曰從目失腹

欲丕從也

外內宜備故欲大從也

次七拂其惡從其淑雄黃食肉

拂去也淑善也七為失志失志行張故宜除去如雄黃之際惡害也

測曰拂惡從淑救凶

也去惡從善故救凶也

次八從不淑禍飛不逐

順從之家動宜從善入為瘵病所從

不善如禍之成不可遂
止故曰禍飛不逐也
測曰從不淑禍不可訟也
所從不善

故不可辯
訟而解也
上九從徽徽後乃登于階終
子在其母家而相從順故徽徽

也言于階者九而從善
必登聖門故言階也
測曰從徽徽後得功也
從善故有

功者也

☰ 一方三州
一卦二家
進
天玄陰家二火
陽引而進物出溱溱開

明而前
行屬於火謂之晉者言陽氣引萬物而長溱溱然日以舒布開明而前謂之進進之初一日入

奎宿一
十五度
初一冥進否作退母
水在火行家性為進而火在前見害而退故作退母

也水為冥
故冥進也
測曰冥進否邪作退也
以道不正故退之也
次二進以

中刑大人獨見

刑法也二為平人家性為進進必以法故言進以中刑也

大人有獨見之明故言獨見也

測曰進以中刑刑不可外也

進以中刑故不外之

也次三狂章章不得中行

三為進人家性為進進不得中故章章也三亦為出出而

失道故謂之狂也

測曰狂章章進不中也

進而失道故不中也

次四日飛

縣陰萬物融融

日君子也縣消也陰小人也四為公侯故稱日也陰中之日列國之君知非天

子也君子而消小人太平之道也太平之道萬物茂壯故曰融融也

測曰飛縣陰君道隆

也萬物得所故隆盛也

次五進以懼䟽或杖之扶

懼䟽附離也五為天子而在進

世當以聖道附離於臣臣則盡忠輔佐於上故曰或杖之扶扶助也

測曰進以懼䟽制于

尊也

五位至尊衆所宗制也

次六進以高明受祉無疆

高明五也高明之君

奉祠神靈齊戒盡敬不失禮儀故受祉福無疆界也

測曰進以高明其道迂也

及福

子孫甚迂遠也

次七進非其以聽咎室耳

七為失志故進非其以也君子之道思患

改過樂聞所惡聽咎塞耳非所以為賢也

測曰進非其以毀滋章也

惡聞其咎咎日

多也次八進于淵君子用船

八木也木而進淵知為船以濟水猶君子之濟民也測

曰進淵且船以道行也

進淵得船以其道也

上九逆憑山川三歲

不還

九為上山故逆也三終也家性為進進而不已故終歲也山川高險終歲不還以諭難也

測曰

逆憑山川終不可長也

不可久長者也

三

一方三州
一部三家

釋

天玄陽家三木
下上象解卦

陽氣和震園煦釋物咸

稅其枯而解其甲

行屬於木謂之釋者驚蟄節終此首
次二春分氣起於此首次三斗指卯

夾鍾用事震動也園陽氣形勢也煦暖也謂陽氣溫暖

萬物咸稅枯解甲而生於太陽之中也故謂之釋釋亦

解也釋之初一

初一動而無名箇

首西方也水為金子
孝子之道無所成名

日入婁宿三度

歸功于母故

測曰動而無名不可得名也

歸功于母不
可名有也

次二動于響景

火之然也不風不盛威則景
耀而聲揚故言動于響景也

測曰動于

響景不足觀聽也

聲而不音
何足聽也

次三風動雷興從其高崇

三在東方震巽之位故稱雷風風動於下雷發於
地上歸於天二在其上可高而尊故稱高崇也

測曰

風動雷興動有為也

風雷動物為天下作用也

次四動之丘陵失澤

朋

四為澤朋類也五為土土為丘陵也去四即五故動之以丘陵也以諭於人去卑即尊去澤之陵也

測

曰動之丘陵失下危也

處高失舊故危之也

次五和釋之脂四國

之夷

和脂諭濡協也五在釋家而處天位動以濡協於鄰國以平四方故言四國之夷夷平也

測曰

和釋之脂民說無疆也

以和得民故說也

次六震于廷喪其和

貞

貞正也六為宗廟五在六下故言于廷震怒也五以和順和平四國當歸功先神告成祖考家性為釋唯

解而已神怒民怨故喪其和正也

測曰震于廷和正俱亡也

先和後怒故皆亡也

次七震震不悔濯漱其詢

七為失志而自震怒不悔于人雖見詢怒垂自解釋如濯

漱垢辱去其穢也

測曰震震不侮解恥無方也

見侮而解無常辱也

次八

震于利巔仆死

六七八皆稱震者震動也六為母而生八八相假威勢故皆稱震也九為金

為利動欲之九為金所克故巔死也

測曰震于利與死偕行也

行財利之事死之原

也上九今獄後穀終說桎梏

說解也九為桎極極於刑獄故桎梏也家性為釋雖其

見獄終必解釋也故用說桎梏也穀善也先獄後善故離於難也

測曰今獄後穀于彼

釋殃也

殃謂七也火為金殃九復於一水釋火也

三

一方三州二部一家格

天玄陰家四金中下象大壯卦陽氣內壯能格乎羣陰

攘而却之

行屬於金謂之格者陽氣內壯格拒羣陰也攘却而上故謂之格格之初一日入婁宿八

度初一格內善失貞類

貞正也內善親屬之善者家性格乖不與賢者共治其親之善

者各自奔亡若微子去紂也

測曰格內善不省也

失其親屬故中外之親不見循理也

省循省也

次二格內惡幽貞類

惡謂一也一在於內一水二火來克於二故言內惡若惡

親也親之惡者格而去之以明正道無所阿也

測曰格內惡幽貞妙也

妙美善也不阿

其親正道之妙也

次三裳格輦鈎渝

草帶曰輦鈎所以屬輦也渝解也裳垂其帶故鈎解

也三在下體下體之帶故言裳也

測曰裳格輦鈎無以制也

鈎帶俱解故無以制

節其身也次四畢格禽鳥之貞

畢罔也西方之宿畢取象焉羅畢取鳥不破卵覆巢

故為正也測曰畢格禽正法位也

以道取之故法位正也

次五膠漆釋

弓不射角木離

五為天子漆釋喻不密易曰君不密則失臣此之謂也弓以喻臣角以喻身家

性為格故相乖離君臣相失如弓不發也

測曰膠漆釋信不結也

君臣相失故信不結

固次六息金消石往小來弈

弈大也美稱金惡稱石金生水善畏惡除故小去大

也測曰息金消石美日大也

小往大來故曰大也

次七格其珍類

龜綢厲

厲危也七為失志高亢其位故印綢危龜為印綢為綬謂小綬也

測曰格其珍

類無以自匡也

乖於其官故無以自匡輔也

次八格彼鞶堅君子得

時小人翳憂否

八為君子九為小人君子在位不畏彊禦故革鞶堅也謂格九而上也小人在

位以治其憂故否也

測曰格彼鞶堅誼不得行也

九品有序誼不得妄所行也

上九郭其目觸其角不庠其體撲

撲擊也九為角七為目九當見格而不卑

身以免於難而反郭目故體免也

測曰郭目解角還自傷也

不避求免故自傷也

三

一方三州二部二家

夷

天玄陽家五土中中亦象大壯

陽氣傷剔陰無救庖物

則平易

行屬於土謂之夷者春分氣也於四分一息卦為大壯陽升在四去天正朔旦日剔除也庖病

也言此時陽氣上在天下除去癰病故萬物平易而長謂之夷夷平也夷之初一日入婁宿十二度初一

載幽貳執夷內

夷平也載始也幽心也貳業也水性平易中表如一故言夷內也

測曰

載幽執夷易其內也

易者夷平也水之平正內外可見也

次二陰夷冒于

天罔

二為平人在陰之位陰自夷平雖冒天罔不為罪也

測曰陰夷冒罔疏不失

也雖疏於罔不失正平也

次三柔嬰兒于號三日不嘔

柔和也嘔憂慕之聲

也號而不嘔故知為嬰兒也亦為多子兒之類也三以柔和之性處平易之家故不憂也

測曰嬰兒

于號中心和也

三為五中故中心和也

次四夷其牙或飮之徒

為四

口亦為金口中之金知為牙也飮厭也夷傷也冒于飮食而不知厭讓故牙傷也

測曰夷其牙

食不足嘉也

食而不讓何善足嘉也

次五中夷無不利

五為天子處夷平之

世行中正之道化流四海莫不易利故言無不利也

測曰中夷之利其道多也

利化

天下故言多也

次六夷于廬其宅丘虛

六水五土土為水廬宅水為土丘虛夷傷其廬

室故宅為丘虛也

測曰夷于廬厥德亡也

廬為德覆而為丘虛故亡也

次七

榦柔榦弱離木艾金夷

夷傷也火附于木而治於金故金傷也以正輔上而協斷金以

治於民猶火輔於木以治金也

測曰榦柔艾金弱勝彊也

以儒得民故勝也

次

八夷其角厲

秋則木廢葉落歸本鄂若角也厲危也角而見夷故危也

測曰夷其角

以威傷也

角而見傷故夷角者也

上九夷于耆利敬病年貞

貞正也九

為老極而在夷世世雖平易養老乞言傷於思慮故言夷于耆也恭敬守道盡力為禮故病極年無愆故貞也

測曰夷耆之貞懸車鄉也

致仕懸車在鄉間也

三二部三家樂

天玄陰家六水中上象豫卦

陽始出與舒疊得以和

淖物咸喜樂

行屬於水謂之樂者春分氣終此首之次五清明氣起於此首之次六與暖也疊積

也言是時陰氣已消陽氣息上萬物暖暖積滯舒生和
淳百卉莫不喜樂故謂之樂樂初一日入胃宿五度

初一獨樂款款及不遠

水性淪下一獨在下不交于上故獨樂也款款獨樂貌也喜樂

之事與衆共之所及不遠故款款也

測曰獨樂款款淫其內也

樂不及遠故淫內也

次二樂不知辰于天

火性炎上而在樂世故恒喜而未知也辰時也時於天時以生萬物

亦所以為樂也

測曰樂不可知以時歲也

事天以意以樂歲事也

次三不

宴不雅喼喼啞咋號咷倚戶

三為進入始當及時未有官爵故不宴遊有雅樂也

喼喼號咷皆憂聲也三亦為戶憂樂失節故倚戶也先憂後喜知不雅也

測曰不宴不雅禮

樂廢也

憂樂不節故廢之也

次四拂其繫絕其繻伏厥心

四為公侯繻網

也佚樂之家不謹禮節故有網繫之事金
性剛直拂而去之上輔於五故其心佚
測曰拂其繫

絕繯心誠快也

得伸臣節故心快也

次五鐘鼓喑喑管絃齊濟或

承之襄

皆喑和聲也齊濟憂悲也五為天子當摠理萬機樂而無節有似商紂牛飲長夜衰承憂興終

以失位也

測曰鍾鼓喑喑樂後悲也

極樂憂興故乃後悲也

次六大樂

無間民神禽鳥之般

般樂也宗廟之中神人以和故大樂也天位施絕血食不供聖體不

繼故稱民神與禽鳥為樂也

測曰大樂無間無不懷也

懷思也思宗廟之中事神

也次七人嘻鬼嘻天要之期

七為失志鬼以諭明嘻笑樂之貌也家性為樂故有

嘻笑之驩失志道窮故要之以期也六為七鬼水王而火死也

測曰人嘻鬼嘻稱樂畢

也 早宜自樂水盛火衰而天期訖也

次八嘻嘻自懼亡彼愆虞

八木也到秋而

懼故先嘻嘻也愆過也過虞不戒故亡也

測曰嘻嘻自懼終自保也

保安也而常自

戒則自救憂患之道而終自安也

上九極樂之幾不移日而悲則哭泣

之嗟資

九為極家性為樂樂極憂興故哭泣嗟資憂哀之貌也易曰齋資涕洟此之謂也窮上反下災

在下旬故移日而悲哀也

測曰極樂之幾信可悔也

憂咎一至悔何及也

䷌

一方三州三部一家

爭

天玄陽家七火上下象訟卦

陽氣氾施不偏不頗物

與爭訟各遵其儀

行屬於火謂之爭者言陽氣氾施於上無私於下故萬物爭訟而長各遵

其儀容故謂之曰爭爭之初一日入胃宿九度

初一爭不爭隱冥

水性柔順故爭為不爭以

正國卑以致
高隱冥也

測曰爭不爭道之素也

爭居下流道之美素也

次二

嚇河臞

嚇虛也臞耗也河為水百川所聚二者火也而在火行為火所乾故虛耗也

測曰嚇

河之臞何可憫也

火水相害不可怙恃也

次三爭射齧齧

齧齧戲笑之貌

也三為進人進德修業在於大射君子心爭終無閱恨故齧齧戲笑也

測曰爭射閭閭君

子讓鄰也

揖讓而升故讓鄰也

次四爭小利不酋貞

貞正也酋就也四金也金

以木為利火世矣上利以遠及三則退故曰不就小利故貞也

測曰小利不絕正道

乃昏也

小利為爭故正道昏亂也

次五爭于達利以無方

五處中位故稱達達

九達道也五為天子執德中也

測曰爭于達爭處中也

三欲射上為四所抑故爭處中

之次六臂膊脰如股脚臑如維身之疾

臑大也枝大於
軀臣大於君皆

為疾也六為宗廟下之所奉而
在爭世不降禮讓故為疾也

測曰臂脰如股臣大隆

也君微臣盛是
國之疾也

次七爭干及矛鞬用亨于王前行

干盾
也矛

戈也鞬甲也亨通也七為戈兵而在爭家動作
則爭被甲荷戈以禦不善故利用通王之前道

測曰干

矛之爭衛君躬也

詩云伯也執殳為
王前驅此之謂也

次八狼盈口舌在

其後

八東方寅為虎故稱狼亦貪狼之意也雖當貪狼
求盈口之食猶見謀活也故矢攻在後七為弓弩

以八為
狼也

測曰狼盈口不顧害也

狼貪不已弓矢在
後不顧其害也

上九

兩虎相牙知掣者全

九八俱為虎故稱兩虎也家性為
爭金木相害兩虎之爭勢不俱生

兩君之爭勢不俱立其知命者可以
得金矣金玉木死故命有所在也
測曰兩虎相牙知

所制也

雖當俱爭宜知
彊所制服也

三

一方三州
三部二家

務

天玄陰家八木
上中象蠱卦

陽氣勉務物咸若其心

而摠其事

行屬於木謂之務者言陽氣已布勸勉萬物
及時長大咸同其心而摠其事故謂之務務

之初一日入
胃宿十四度

初一始務無方小人亦用罔

在務之初故
言始也無方

無常方也水出於泉而流百川故無常也罔謂小人之
知未知所向猶泉初發蒙蒙然也陰家之陽故稱小人

也
測曰始務無方非小人所理也

無方之務非小
人之所能理也
次二

新鮮自求珍絜精其芳君子攸行

二為火故稱新鮮新
鮮清潔之貌也求之

於己故自珍也陰家之陰故稱君子攸所測曰新鮮自也精其芬芳所行以道故曰君子攸行也

求光于己也

守道治身光由己出也

次三不拘不掣其心腐且敗

三在木行陰家之象宜自抑損制從於陰而自推本二木重生故不拘也宜制不制故曰心敗也

測曰

不拘不掣其體不全也

臨事縱心不拘體制故敗不全也

次四見矢自

升利羽之朋蓋戴車載

四為金故稱矢矢而自升羽之力也羽金朋合乃後而飛猶君

臣同心乃馳風化也四為公侯故稱蓋車車之載物猶君子之濟世也易曰君子得車尚可載也此之謂也

測曰矢及蓋厥道然也

然猶是也濟世之君故乃是其道也

次五蜘蛛之

務不如蠶之綸

五為天子而在陰家有務之名無益於世五亦為裸故稱蜘蛛蜘蛛有絲雖其

勉務非人所利用則不測曰蜘蛛之務無益人也陰家之陽無益

如蠶一綸之利也初六華實芳若用則藏若臧善也若順也六為陰尊宗廟之道既華而實

於世人也故善順也測曰華芳用臧利當年也奉之以數年壽得其當也次七喪其

芳無攸往攸所也往火之所務焚燒山林不別嘉卉故喪其芳也芳而見喪往復何之故無所往也

測曰喪其芳德以衰也七為失志故德衰也次八黃中免于禍貞

貞正也八為上中在中曰黃家性為務務德與和則禍不能害也禍不能害故正也測曰黃中免于禍

和以正也居中免禍行所致也上九務成自敗雨成自隊金生水故為陰

家之陽小入之道家性為務務本慮始積小求高便乃求成故雨隊也測曰務成自敗非

厥命也

速則不達非天命所祐也

三

一方三州三部三家

事

天玄陽家九金上上亦象蠱卦

陽氣大冒昭職物則信

信各致其力

行屬於金謂之事者言陽氣大覆於萬物之上以明其所生職各自信於時節而生

長致其力以成生民之業故謂初一事無事至無不事

一事也晝夜不休故言至無不事也有事而云無事不德其功也性當歸下子母相長故無有事於世也測

曰事無事以道行也

不言其功道大行也

次二事在樞不咨不諉

喪其哲符

樞始也二為平入始不咨諉為一

測曰不咨

不諉其知亡也

事不咨於謀故乃亡也

次三時往時來間不容釐

三為春春秋冬夏四時來往氣數相襲不容毫釐也測曰時往時來不失趣也四時

來往不失天地之趣也次四男女事不代之字四陰也而金居之金者乾故言男在

陰之位故男女事也男而女事猶為不宜沉於字育故不代也測曰男女事非厥務也

男之代女非其務也次五事其事王假之食五為天位處於中央政事所由不違於道

為天所祐故先王假之以福祿也測曰事其事職所任也政事由上故任其職也

次六任大自事方來不救宗廟之道先祖所居故任大也自事以福故言方來不以

其道弗恤也神測曰任大自事奚可堪也鬼神不救不可堪也次七大人

扶孤豎子提壺七為祖父故稱大人大人丈夫之人五則其孫介於大川不近於母故宜扶育

也壺禮也豎子謂九也金為火孫故稱豎也提用也金宜克木今用禮讓不相克害以成事家相扶之道也

測曰大人扶孤小子知方也

萬禮法也用禮於六故以釋九不克八也

次八

男女事十年不誨

誨教也八為長男而在陰位故女事也十陰數也年歲終也以男為女故

終歲不教也

測曰男女事終家不亨也

男女易位家道不通也

上九到

耳順止事貞

貞正也到耳逆聞也順行也九在事家而為之終終行時事雖有逆聞之言亦順其

道而行之也不以言先而舉於人唯正是與故正也

測曰到耳順止逆聞順行也

逆聞順行隨事宜也

太玄經卷二